



VAKSDAL KOMMUNE
KONSULJEBSENSGATE 16
5722 DALEKVAM

Løyving til Vaksdal kyrkjelege fellesråd for 2019

Vaksdal kyrkjelege fellesråd vil med dette søkje om løyvingar til kyrkjelege føremål i samsvar med vedlagt budsjettframlegg for 2019.

Budsjettet viser at det er trong for rammeløyving på totalt kr 5.242.944,-

Kr 3.653.821,-	Er budsjetterte driftskostnadar til kyrkjeleg verksemd i 2019
Kr 600.000,-	Drift og vedlikehald av gravplassane i Vaksdal (Funksjon 043)
Kr 789.123,-	Vaksdal kommune graving av graver (Funksjon 043)
<u>Kr 200.000,-</u>	Løyvde pengar i Vaksdal kommune sin økonomiplan.
Kr 5.242.944,-	Totalsum drift og investering.

Budsjettframlegget er bygd på føresetnadane i Kyrkelova §15 og gravferdslova §3 om kommunen sitt økonomiske ansvar. Desse to paragrafane viser med all mogleg klarheit at den norske kyrkje ikkje er eit kva som helst anna trussamfunn. Gravplassforvaltninga er offentleg og livssynsopen.

Føresetnaden for budsjettarbeidet 2019 er som følgjer:

Før denne budsjettsøknaden vart sendt har kyrkjevevja vore i møte med assisterande rådmann økonomisjef og einingsleiar for samfunnsutvikling i Vaksdal kommune. Fellesrådet og kyrkjevevja vonar at me kan få fleire gode kontaktpunkt med kommunen frametter. Om me skal få økonomien til å gå i hop er me begge partar på mange måtar gjensidig avhengige av kvarandre.

Det er viktig for fellesrådet og synleggjera kva midlar me treng for å ha ei fornuftig drift av kyrkjer og gravplassar. Det har i mange år vore eit stort gap mellom kva midlar me treng og kva me får tildelt. Dette fører til eit vedlikehaldsetterslep på kyrkjebygg og gravplassar som fellesrådet er uroa over.

Gravplassane i kommune er den posten med nyttar mest pengar på etter lønn og sosiale utgifter. Gravplassane i kommunen er ein viktig arena for folket i kommunen. Her kan dei gå og minnas dei nære og kjære som er avlidne. Tilstanden på gravplassane (spesielt; Vaksdal, Stanghelle Dale og Stamnes) er ikkje bra. Dei siste åra har ein ikkje hatt midlar til å gjera det mest naudsynte vedlikehalde, som for eksempel å gruse gangstiane. Sidan gravplassforvaltninga er ein del av den offentlege forvaltninga som kyrkja gjer på vegne av kommunen er det ikkje rett at kyrkja skal måtte ta av sitt eige driftsbudsjett. Dette er trass alt ei teneste som vert gjort for alle. Me har difor valt å ta ut funksjon 043, og ta med alle dei reelle utgiftene som kyrkjeleg fellesråd har på dette. Samt at me synleggjer den biten av kommunen sin tenesteytingsavtale som ligg på gravplassane.



Kommunen har i sin økonomiplan løyvd 1 million kr året over dei neste 4 åra i invisteringstilskot. Desse midlane har vore meint å gå til arbeide med å utbetre og på sikt utvide Dale gravplass. Akasia vann konkurranse for dette omfattande prosjektet. Forprosjektet skulle vore ferdig i juni inneverande år, og me hadde vona å sitte på eit pristilbod på gravplassen. Akasia har ikkje klart å levere det som er avtala. Denne situasjonen gjer at me ikkje no kan sei noko om kva invisteringsbehov som ligg på Dale gravplass. Men ein kan gå utifrå at det er meir en det som er løyvd i kommunen sin økonomiplan

1. Tiltaka som er nemnt ovanfor gjer at me kan levere inn ein budsjettsøknad der dei budsjetterte driftskostnadane er lagt til det reelle behovet som kyrkjeleg fellesråd har. Lønnskostnad som er den største posten i budsjettet er regulert med kommunen sin deflator på 2,5 %
2. Pengar til drift og vedlikehald av gravplassane er den budsjetterte kostnaden på kva VKF betalar for å drifte dei 8 gravplassane i kommunen. Dette dekker alt frå klipping av gras til snømåking. Verdien av tenesteytingsavtala med Vaksdal kommune er det Vaksdal kommune sjølv som har satt. Denne dekkar deira kostnader på graving av graver og utstyr til dette. Denne er regulert med 2,5 % som avtalt i møte med kommunen.
3. Fellesrådet må framleis søkja om midlar til vedlikehaldstiltak som er for store for rammebudsjettet. Dette ligg i fellesrådet sin vedlikehaldsplan. Investeringar som er naudsynte for 2019 er prosjektet på Dale gravplass samt kalking og reparasjonar utvendig på Dale kyrkje. Desse prosjektene er ikkje spesifiserte i budsjettet sidan prosjekta er so store at om dei skal bli realiserte lyt dei betalast med tilskot frå kommunen
4. Forsikringssum på kyrkjebygg er indeksregulert med 2,5%
5. Summen av kommunen si tenesteyting med reinhald i kyrkjene, og kontorleige er oppgjeve til kr 243.950. Talla er indeksregulert med 2,5%, og justert etter den nye tenesteytingsavtalen mellom Vaksdal kommune og Vaksdal kyrkjelege fellesråd.

På vegner av Vaksdal kyrkjelege fellesråd

Odd Arild Faugstad
Fellesrådsleiar

Bjart-Magnus Ndogo Rosvold
Kyrkjevevje



Vedlegg

1. Utskrift frå møteboka til Vaksdal kyrkjelege fellesråd sitt arbeidsutval
2. Budsjettoppsett 2018

FRsak 23/2018 Budsjett 2019

Kyrkjevevja var i budsjettmøte med Vaksdal kommune. Møte hadde ein god tone. Sjølv om ein fortsatt føler at administrasjonen ikkje tar innover seg utfordringane med vedlikehald på gravplassar og kyrkjer. Representantane frå den kommunale administrasjonen understreka kommunen sine økonomiske utfordringar. Dei oppgav at dei brukte ein deflator på 2,5% når dei rekna løns og prisvekst.

(...)

Vedtak:

Budsjettet for 2019 er bygd på forventa lønns og prisvekst frå 2018 til 2019. Basert på rekneskapstall for dei 3 fyrste kvattala av 2018 har me rekna ut drift og vedlikehald av gravplassane i kommunen (som ikkje er dekkja gjennom kommunen sin tenesteytingsavtale.

1. Fellesrådet godkjenner kyrkjevevja sitt framlegg til budsjett for 2019. Budsjettet er nøkternt og viser dei reelle behova som fellesrådet har til den daglege drifta. Det er viktig for fellesrådet å understreka at funksjon 043 er gravplassdrift, og dette er eit offentleg forvaltningsansvar for alle innbyggjarar i kommunen, som fellesrådet gjer på vegne av kommunen. Dette er spesifisert i sjølve søknaden.
2. Fellesrådet ber kyrkjevevja om å henta inn anbod for drift og vedlikehald av gravplassane i Vaksdal